



Republika e Kosovës  
Republika Kosova - Republic of Kosovo  
Komisioni Qendror i Zgjedhjeve  
Centralna Izborna Komisija  
Central Election Commission



**ZYRA PËR REGJISTRIMIN, CERTIFIKIMIN DHE KONTROLLIN FINANCIAR TË SUBJEKTEVE POLITIKE (Zyra) NË KOMISIONIN QENDROR TË ZGJEDHJEVE (KQZ)** sipas autorizimeve të dhëna me paragrafin 1 të nenit 21 dhe në përputhje me nënparagrafin 4, paragrafi 6 i nenit 21 të Ligjit për Financimin e Subjekteve Politike (LFSP), me datën 12.07.2024, merr këtë:

**VENDIM**

**Për shqiptimin e gjobës për subjektin politik LIDHJA DEMOKRATIKE E KOSOVËS**

- I. Subjektit politik LIDHJA DEMOKRATIKE E KOSOVËS, i shqiptohet gjoba në vlerë pesë mijë (5,000) euro për shkeljen sipas nënparagrafit 4, paragrafi 6 i nenit 21 të LFSP.
- II. Subjekti politik LIDHJA DEMOKRATIKE E KOSOVËS, obligohet që brenda tridhjetë (30) ditësh pas pranimit të këtij vendimi, të paguaj shumën e gjobës së shqiptuar sipas pikës I të këtij vendimi dhe të dorëzojë në Zyrës një kopje të fletëpagesës së gjobës së paguar.
- III. Subjekti politik obligohet që në pasqyrat financiare për vitin 2024, të cilat dorëzohen jo më vonë se data 01.03.2025, t'i paraqes dëshmitë për shfrytëzimin e objektit të selisë qendrore.
- IV. Nëse subjekti politik LIDHJA DEMOKRATIKE E KOSOVËS, nuk paguan gjobën brenda tridhjetë (30) ditëve pas pranimit të vendimit të Zyrës, subjektit politik nuk i transferohen mjetet financiare nga Fondi për Mbështetjen e Subjekteve Politik në shumë e gjobës së shqiptuar.
- V. Vendimet e Zyrës për shqiptimin e gjobave hyjnë në fuqi në ditën e nënshkrimit dhe janë përfundimtare dhe të ekzekutueshme.

**Arsyetim**

Subjekti politike LIDHJA DEMOKRATIKE E KOSOVËS, është subjekt politik i regjistruar sipas legjislacionit në fuqi nga data 21.08.2000.

Sipas nenit 15 të LFSP, subjekti politik duhet të dorëzojë raportin vjetor financiar i cili duhet të përmbajë pasqyrën e fitimit dhe të humbjeve, e cila tregon të gjitha të hyrat dhe shpenzimet e partisë si dhe dokumentacionin mbështetës për të gjitha të hyrat dhe shpenzimet.

Pavarësisht që subjekti politik ka të deklaruar një adresë e cila prezantohet si selia qendrore e subjektit në Prishtinë, subjekti politik nuk ka prezantuar asnjë kontratë për shfrytëzimin e lokalit me qira dhe njëkohësisht nuk ka prezantuar fletë poseduese të objektit, përkundër që subjekti ka deklaruar dhe paguar tatim në pronë për të njëjtin objekt.

Nga korrespondenca e komunikimit në mes përfaqësuesit financiar të subjektit politik dhe auditorit ligjor, subjekti politik me datën 16.05.2024 ka ofruar dëshmi/ kontrata për degët e subjektit politik, por nuk e ka ofruar dëshmi, kontratë ose fletë poseduese për shfrytëzimin e objektit të selisë qendrore të subjektit politik, që gjendet në Prishtinë, rr. UÇK.

Ndërkohë, në lidhje me objektin e selisë qendrore, subjekti politik ka deklaruar dhe paguar tatimin në pronë në vlerën prej 1,437 euro për vitin që përfundon me 31 dhjetor 2023.

Nisur nga këto fakte, Zyra e kishte të pamundur të vlerësonte saktë shumën e shpenzimit për pagesën e hapësirës së selisë qendrore apo të vlerësonte nëse është kontribut në natyrë i cili nuk është deklaruar nga subjekti politik.

Subjekti politik LIDHJA DEMOKRATIKE E KOSOVËS, obligohet që pagesën e gjobës sipas pikës I të këtij vendimi, ta kryejë brenda tridhjetë (30) ditëve pas pranimit të vendimit për shqiptimin e gjobës përmes komunikimit zyrtar elektronik. Pagesa e gjobës duhet të dëshmohet përmes dorëzimit të kopjes së fletëpagesës në Zyrë. Në rast të dështimit të pagesës së gjobës brenda afatit të dhënë si në pikën II të këtij vendimi, subjekti politik nuk i transferohen mjetet financiare nga Fondi për Mbështetjen e Subjekteve Politik në shumë e gjobës së shqiptuar.

**Nga sa u tha më lartë, Zyra vendos për shqiptimin e gjobës në vlerë prej pesë mijë (5,000) euro, sipas dispozitivit të këtij vendimi.**

Prishtinë, 12.07.2024

Drejtori i Zyrës



Besnik Buzhala

Vendimi i dërgohet:

- Kryetarit të subjektit politik LIDHJA DEMOKRATIKE E KOSOVËS.
- Përfaqësuesit të autorizuar financiar të subjektit politik LIDHJA DEMOKRATIKE E KOSOVËS.

**Këshilla juridike:** Subjekti politik mund të inicojë padi kundër vendimit të Zyrës për shqiptimin e gjobave, pranë gjykatës kompetente të shkallës së parë, brenda afatit prej tridhjetë (30) ditësh, pas njoftimit për vendimin. Inicimi i padisë nuk e ndalon ekzekutimin e këtij vendimi.